

Հ Ա Շ Վ Ե Տ Վ ՈՒ Թ Յ ՈՒ Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏԻ ՏԵՂԱԿԱԼ ԹԱԹՈՒԼ  
ՍՏԵՓԱՆՅԱՆԻ ԱՎԱՏՐԻԱՅԻ ՀԱՆՐԱՊԵՏՈՒԹՅՈՒՆ ԿԱՏԱՐԱԾ  
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. **Անունը, ազգանունը.** Թաթուլ Ստեփանյան
2. **Զբաղեցրած պաշտոնը.** Հայաստանի Հանրապետության Տավուշի մարզպետի տեղակալ
3. **Գործուղման վայրը և ժամկետները.** 16.11.2019թ. մինչև 19.11.2019թ. ժամանակահատվածը գործուղվել են Ավստրիայի Հանրապետության Ֆորարլբերգ նահանգի Մոնտաֆոն խոշորացված համայնք:
4. **Հրավիրող կողմը.** Հրավերը ստացել են Ավստրիայի Հանրապետության Ֆորարլբերգ նահանգի Մոնտաֆոն խոշորացված համայնքի ղեկավար՝ Մարկուս Շվարցվերլի կողմից:

5. **Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).** Գործուղման նպատակն էր՝ ինստիտուցիոնալ հնարավորություններ ստեղծել Հայաստանի Հանրապետության Տավուշի մարզում գյուղատնտեսության բնագավառում ներգրավված և գործունեություն իրականացնող ֆիզիկական, իրավաբանական անձանց ու կազմակերպություններին արհեստավարժ մասնագետների նկատմամբ ձևավորված և օրեցօր աճող պահանջարկի լուծման համար: Այս նպատակի իրագործման համար գործուղվել են Ավստրիայի Հանրապետության Ֆորարլբերգ նահանգի ավելի քան 40 տարվա փորձ ունեցող և տարածաշրջանում լավագույններից մեկը համարվող BSBZ ավստրիական գյուղատնտեսական քոլեջ՝ ծանոթանալու հաստատության տնօրինության հետ, հասկանալու աշխատանքային և ուսումնական գործընթացները, սկսելու ավելի առարկայական քննարկումներ քոլեջի անալոգը Տավուշի մարզում ունենալու հեռանկարի շուրջ:

Այցելության նպատակներից էր նաև մոտիկից ուսումնասիրել ավստրիական գյուղատնտեսական ընկերությունների և ձեռնարկությունների, ֆերմաների և ընտանեկան բիզնեսների կառավարման մեթոդներին ու հմտություններին, ինչպես նաև նպաստել հայ-ավստրիական համայնքային զարգացման ակտիվ կապերի կայացմանը:

6. **Քննարկված թեմաները.** BSBZ գյուղատնտեսական քոլեջի տնօրինության հետ քննարկվել են ուսումնական հաստատության գիտական և գործնական կարողությունները ՀՀ Տավուշի մարզի շահագրգիռ անձանց հասանելի դարձնելու հարցերը:

Ավստրիայի Հանրապետության Ֆորարլբերգ նահանգի Մոնտաֆոն խոշորացված համայնքի ղեկավարի հետ քննարկվել են միջհամայնքային համագործակցությանը վերաբերող հարցեր:

7. **Հանդիպումները, ելույթները, բարձրացված կամ քննարկված հարցերը.** Գործուղման առաջին օրը՝ երեկոյան, համայնքի ղեկավարը մեր պատվիրակության անդամներին ու այցելության նպատակները ներկայացրեց Մոնտաֆոն խոշորացված համայնքի պոլիտեխնիկական քոլեջի դահլիճում կազմակերպված մշակութային միջոցառման մասնակիցներին:



Վերը նշված համայնքի ղեկավարի մասնակցությամբ հանդիպումներ են կազմակերպվել նաև տեղի ֆերմերային տնտեսություններում, գյուղատնտեսական մթերքի և հումքի վերամշակման արտադրամասերում, որտեղ մանրամասն ծանոթացել ենք ավստրիական ֆերմերային կյանքի կառավարման առանձնահատկություններին:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Հանդիպումների ընթացքում փաստաթղթեր չեն ստորագրվել, բայց պայմանավորվածություններ են ձեռք բերվել BSBZ գյուղատնտեսական քոլեջի տնօրինության հետ հետագա համագործակցության կայացման, ՀՀ Տավուշի մարզում անալոգային «Հայ-ավստրիական» քոլեջ ունենալու հեռանկարի շուրջ: Նախնական փոխադարձ բանավոր պայմանավորվածություն ենք ձեռք բերել գործնական քայլեր ձեռնարկել գաղափարը կյանքի կոչելու նպատակով:

Մոնտաֆոն խոշորացված համայնքի ղեկավարի հետ կայացած հանդիպումների արդյունքում պայմանավորվածություն է ձեռք բերվել ֆերմերային գործունեության կառավարման ավստրիական փորձը ՀՀ Տավուշի մարզում գործնականում ցուցադրելու, ինչպես նաև «Հայ-ավստրիական» քոլեջին անհրաժեշտ տեխնիկական և ֆինանսական աջակցություն ցուցաբերելու հարցերի շուրջ:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Տավուշի մարզի զարգացման պատասխանատուները կարևորում են Ավստրիայի Հանրապետության գյուղատնտեսական փորձի ուսումնասիրումը և Հայաստանում դրա կիրառումը, ինչպես նաև վստահ են, որ այդ փորձը կօգնի նպաստել մարզում գյուղատնտեսական պատշաճ մշակույթի ամրապնդմանն ու բնագավառի զարգացմանը:

Ավստրիայի Հանրապետության Մոնտաֆոն խոշորացված համայնք կատարած այցի արդյունքները կապիտալիզացնելու նպատակով ՀՀ Տավուշի մարզի զարգացման պատասխանատուները առաջիկայում ակտիվ հանդիպումներ կունենան ՀՀ ԿԳՄՍ նախարարության պաշտոնատար անձանց հետ, համատեղ կմշակվեն հետագա անելիքների և գործողությունների քարտեզ, կսահմանվեն պատասխանատուներ:

Հայաստանի Հանրապետության

Տավուշի մարզպետի տեղակալ՝

Թաթուլ Ստեփանյան

22.11.2019թ.